

Smanjivanje rizika da budete preplaćeni



Reducing the Risk of Overpayment—Bosnian

Dobivanje više novaca nego što vam pripada za Family Tax Benefit Part A (Porodičnu poresku olakšicu Dio A), Family Tax Benefit Part B (Porodičnu poresku olakšicu Dio B) ili Child Care Benefit (Dodatak za troškove čuvanja djece) (u vidu umanjenih računa) može biti zabrinjavajuće, ali je važno da zapamtite da vas niko ne optužuje da ste svjesno pogriješili.

Do preplaćivanja obično dođe jer ljudi procijene da će manje zaraditi. Porodice mogu ostvariti viši prihod u finansijskoj godini jer, na primjer, neko dobije posao sa višom platom, neko dobije povišicu, dođe do promjena u isplatama za izdržavanje djece, više prekovremenog rada, neko dobije bonus, ili se drugi član porodice zaposli.

Postoji veliki rizik da ćete biti preplaćeni ukoliko:

- ima prihod od \$42,000 do 61,000; ili
- ima prihod od \$94,000 na više; ili
- ima glavni prihod od \$140,000 na više; ili
- više od jedne osobe u porodici radi za platu; ili
- dolazi do promjena u prihodima zbog neredovnog rada u smjenama, prekovremenog rada ili bonusa; ili
- vam je teško procijeniti porodični prihod jer radite povremeno, na proviziju ili na ugovor, ili ste dobili bonus na otpremninu za višak radne snage; ili
- ostvarujete prihod iz vlastitog biznisa ili ste samostalni djelatnik; ili
- uključuje dijete koje može zaraditi od \$12,287 na više.

Sve stope prihoda su na snazi dana 01/07/2008.

Do preplaćivanja također dolazi jer dođe do promjena u porodičnim okolnostima o kojima Family Assistance Office (Ured za pomoć porodicama) nije obaviješten.

Kako mogu smanjiti rizik od preplaćivanja?

Razmislite o mogućnosti da isplate primete godišnje

Godišnje isplate za Family Tax Benefit i Child Care Benefit znatno umanjuju opasnost da budete preplaćeni. Vi također možete primiti bazni iznos za Family Tax Benefit Part A, a na kraju godine primiti zaostatak čime se također umanjuje opasnost da budete preplaćeni.

Ako je primanje dvosedmičnih isplata za Family Tax Benefit i Child Care Benefit u vidu umanjenih računa najbolja opcija za vašu porodicu, morate:

Preduzeti sve mjere da vodite računa o procjeni prihoda

Sa svim promjenama koje se mogu desiti u porodici, morate voditi računa o prihodima i obavještavati Family Assistance Office ako dođe do promjene u odnosu na procijenjeni prihod. Ako se vaš prihod promijeni, možda treba da dobijete više novaca, ili možda primete više nego što vam pripada. Ako primete više novaca nego što vam pripada, moraćete vraćati preplaćeni iznos na kraju finansijske godine.

We speak your language ☎ 13 1202

www.familyassist.gov.au



Australian Government
Family Assistance Office

Preplaćivanje iznosa porezne povlastice za porodice (Family Tax Benefit) i pomoći za čuvanje djece u vrtiću (Child Care Benefit) može se nadoknaditi od drugih isplata porezne povlastice za porodice (Family Tax Benefit), uključujući i dodatne isplate na kraju godine. Preplaćeni iznosi porezne povlastice za porodice (Family Tax Benefit) mogu se nadoknaditi od povrata od poreza. Jako je važno da vi i vaš partner predate svoje porezne prijave (ili kažete Uredu za pomoć porodicama (Family Assistance Office) ako ne morate predati porezne prijave). Svi preplaćeni iznosi moraju biti u potpunosti vraćeni.

Reagujte na vrijeme ako se išta promijeni

Ovo je jedna od najvažnijih stvari koje treba da uradite kako biste pomogli da vam Family Assistance Office plaća tačne iznose.

Ovdje je spisak promjena za vašu provjeru koje bi trebalo da vas upozore da nazovete Family Assistance Office:

- Promjene u porodičnim prihodima, novi posao, povratak na posao, gubitak posla, povećanje sati, povišica, uvećan profit u biznisu, prihod od dionica; sve utiče na iznos koji vam pripada.
- Promjena bračnog stanja.
- Ako počnete ili prestanete da podižete dijete.
- Dođe do promjena u iznosima za izdržavanje djeteta.
- Ako napustite Australiju (uključujući kratka putovanja i odmore).
- Promjene u vezi sa organizacijom čuvanja djeteta.
- Ako dijete počne ili završi/napusti školovanje.
- Ako dijelite brigu o djetetu s drugom osobom i ako tu dođe do promjene.
- Ako mislite da će vaše dijete, koje ima ima više od 16 godina, zaraditi najmanje \$12,287.
- Odselite se na novu adresu.

Da biste obavijestili Family Assistance Office o svim izmjenama ili da biste dobili više informacija:

- Nazovite Family Assistance Office (Ured za pomoć porodicama) na **13 1202** između 8.00 ujutro i 5.00 poslije podne (EST - po istočnom ljetnom vremenu) od ponedjeljka do petka za informacije na bosanskom jeziku.
- Posjetite internet stranicu, na www.familyassist.gov.au
- Otiđite u najbliži Ured za pomoć porodicama (Family Assistance Office) koji se nalaze u uredima Medicare Australia, Centrelink Customer Service Centres i Australian Taxation Office.